

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

105. An & quando numerus missarum ex fundatione impositus Capellaniæ
reduci possit per Ordinarium, quando reditus diminuti sunt, &
insufficientes.

[urn:nbn:de:hbz:466:1-74477](#)

portent, quod Capellania sit sacerdotalis actu, idem etiam importare debeant in fundatione persona Ecclesiastica. Attendenda namque hic solum sunt verba fundationis, & eorum vis. Garc. loc. cit. n. 83. Secundò: requiritur actu sacerdotium, dum fundator vel statutum dicit, aut consuetudo habet, ut provisus sit Capellanus vel sacerdos: particula enim illa vel, est solum declarativa. Zech. de rep. Eccl. c. de beneficiar. n. 4. Tuschus lit. E. concl. 57. apud Garc. loc. cit. n. 60. & 72.

2. Respondeo secundò: Capellania ex eo, quòd fundator dixit, Capellatum debere celebrare missas seu divina officia, non est sacerdotalis, nec actu, nec aptitudine; sed conferri potest simplici Clerico, etiam tantum primæ tonsuræ, qui eam per substitutum administret. Card. de Luca, de benef. d. 61. n. 3. & 7. Garc. loc. cit. n. 85. & seq. citans pro hac responsive AA. quā plurimos, pluresque Rotæ & S. Congreg. decisi. clarissimas ad longum. Vide etiam Gonz. l.c. gl. 5. n. 72. item Lott. l. 2. q. 47. à n. 34. ubi ait: annexio sacerdotii minimè argui potest ab annexione oneris celebrandi ob separabilitatem facti celebrationis ab ipso onere; quod ut per alium non possit absolvī, nullo jure cautum est; pro quo citat præter alios Felin. in c. eum omnes. de confit. n. 3. dicentem ita de generali consuetudine servari; & ait hanc sententiam sè pessime probatam à Rota, cuius plures decisi adducit n. 35. Unde quamvis fundator vel statutum referat onus illud celebrandi ad personam beneficiarii; dum tamen expresse non removet hanc facultatem celebrandi per alium, quæ est à jure communi; potius censetur voluisse conformare se cum eo jure, quā ab ejus orbita recedere: cùm omnis dispositio nudis verbis prolatæ vestiatur à jure communi. l. quarto. ff. locati. Lott. n. 36. atque ita tunc infléctitur ea relatio, ut ster demonstrativè ad qualitatem oneris; non autem dispositivè ad qualitatem persona. ut Lott. n. 37. Rationem responsionis præter eam, quam afferam infra loc. cit. hanc quoque afferat Garc. n. 92. ex eo tunc posse isti oneri satisfieri per substitutum, quod non fit in eo casu electa industria persona, & hinc valeat, quod quis per alium facit, per se ipsum facere videtur.

3. Respondeo tertio: Capellania erit quidem sacerdotalis, ut Lott. n. 38. citans Gonz. gl. 5. n. 100. & 107. non tamen adhuc erit sacerdotalis actu, sed solum aptitudine, ubi fundator dixit, Capellatum debere celebrare per se ipsum, seu debere personaliter defervire, vel debere residere. Garc. n. 98. citans Gonz. loc. cit. n. 100. Nav. &c. Item declar. S. Congreg. de Anno 1604. quam se authenticè vidisse teletur, qua inter cetera sic habet: *Si ex fundatione autem, ut Capellanus per se ipsum celebret missas, simplici adhuc conferri potest clero, iuxta tamen etate constituto, ut intra annum ad sacerdotium promoveri queat.*

4. Respondeo quartò: Capellania ex hoc erit adhuc sacerdotalis aptitudine, quòd præter onus legendi missas habet onus juvandi curatum in cantando, & aliis similibus assistendi in choro: tunc enim censetur injunctum servitum persone non tantum chori, sed etiam missarum; adeoque eas non poterit curare legi per alium. Garc. loc. cit. n. 89. Filiuc. tr. 41. c. 1. n. 15. Porro quis dispensare possit quoad dictam qualitatem requisitam à fundatore, & qualiter ei derogetur per provisionem Apostolicam, vide ex dicendis seq. loc. cit. Vide quoque Garc. loc. cit. n. 102. & seq. fusæ de hoc. Ac denique qualiter providendum in casu voluntatis

fundatoris ambiguæ, deducenda ex verbis vel conjecturis, vide apud Card. Luca de benef. d. 86. ferè per tot. ubi etiam, quæ distinctio inter vocabula presbyter & sacerdos in hoc vel illo idiomate, in quo conscripta est fundatio. Plura de hoc vide, ubi de ætate requisita ad singula beneficia. seq. seq.

Questio 103. Quid si ergo in fundatione Capellania dicatur: presentetur sacerdos proximior in sanguine, si inventetur alias Clericus, num si tempore presentationis fuerit aliquis sacerdos, is presentari debeat, et si sit remotior, & alteri proximiior preferendus, et si hic postea adhuc ante institutionem remotioris illius esset jam factus sacerdos.

R Espondeo affirmativè: attendi enim debet tempus presentationis. Garc. loc. cit. n. 73. citans pro hoc Perez de Lara, & decisi. Rotæ.

Questio 104. An & quanta sit obligatio legendi missas impositas Capellania in Ecclesia, facello, vel altari à fundatore designato, & ad quid hoc negligens Capellanus teneatur; & quis in eo dispensare possit?

1. R Espondeo ad primum affirmative: non enim satisficeret alias voluntati fundatori. Corr. l. 2. c. 11. n. 20. & 27. cum communi. Respondet idem ad secundum. n. 22. Capellum circa legitimam causam celebrando alibi peccare mortaliter. Respondet ad tertium: non tamen teneri illum missas lectas alibi legere denuo in loco designato: quia jam in substantia satisfactum oneri missarum injuncto à fundatore, neque ad ullam aliam restitucionem; quia non privavit fundatorem fructu beneficii. Corrad. ibidem. n. 23. & 24. citans Barb. de potestate Episc. alleg. 24. v. 36. & Fraxinell. de oblig. sacerd. seq. 4. corol. 5. §. 3.

2. Respondet ad quartum dispensare in hoc non posse Episcopū (etiam consentientibus hæredibus; cùm non agatur in hoc puncto de voluntate hæredum, sed fundatoris. Navar. de orat. c. 5. n. 2. & 12.) cum verò sic derogaret menti fundatoris, quod non potest. Corrad. n. 25. & 26. Nequidem dum Capellanus ratione studiorum absit, & ut sentire videtur Barb. loc. cit. ex Henr. Corr. ibid. ubi ait: & in hoc casu de necessitate petendum indulsum Pontificium, censiari à peritissimis Curialibus, uti & num. 20. ait, praxis ipsam docere, non nisi de licentia Papæ licere dictas missas celebrare alibi.

Questio 105. An, & quando numerus missarum ex fundatione impositus Capellania (idem est de Vicariis, aliisque similibus beneficiis) reduci possit per Ordinarium, quando redditus diminuti sunt & insufficientes tali oneri?

R Espondeo: tametsi Episcopi in Synodo dicefanæ, uti & Abbates, Generalisque ordinum in Capitulis Generalibus ex concessione Trid. sess. 25. c. 4. de reform. (cujus concessionis varias limitationes, explicationes, & variorum super ea sententias vide apud Garc. loc. cit. n. 127. & seq. Vide etiam Barb. de potest. Episc. alleg. 29.) possint, re diligenter perspecta, prout major Dei honor

honor & utilitas Ecclesiarum & necessitas exegerit, reducere missarum celebrandarum numerum ex variis defunctorum relictis impositum eisdem Ecclesiis: ubi ob multitudinem eisdem satis fieri non potest: vel Eleemosynæ pro iis celebrandis adeò tenues, ut non facile inveniatur, qui velit se huic oneri subjicere, idemque etiam possint vi ejusdem indulti circa Anniversaria defunctorum officia, ut declaravit S. Congreg. super hoc interrogata ab Archiepiscopo Neapolitano apud Corr. cit. c. 11. hanc declarationem verbo tenus recitantem. Quamvis tamen & hæc ipsa concessio illis sublata videatur vi decreti à S. Congregatione editi auctoritate Urban. VIII. ad Annum 1625. quod plura salutaria hac de re continet, & ad fūsum recitatur à Corr. loc. cit. n. 10. uti & responsiones ejusdem S. Congreg. ad plura dubia super hoc decreto orta. Nihilominus neque ante, neque per dictum Concilium potuisse, aut posse Episcopos reducere numerum missarum impositarum beneficio seu Capellania; cum de illis missis non loquatur Trid. ut patet, adeò que talen reductionem factam ab Episcopo esse nullam; recurrentimque esse pro tali reductione obtinenda ad Sedem Apostolicam, docent Corr. loc. cit. n. 5. & seq. usque ad 20. Barb. cit. alleg. 29. n. 9. Rodriq. qq. regular. 10. 1. q. 43. a. 13. Garc. cit. c. 1. n. 13. citans apertissimas hac super re declarationes S. Congreg. quibus tamen non repugnat quosdam Episcopos speciale à Pontifice indulatum habere reducendi ista missarum onera in fundatione imposita, ut videtur est apud Corr. n. 6. Quin & absolutè casu immunitorum adeò redditum beneficii, ut beneficiatus suo muneri & officio satisfacere commodè non possit, posse per Ordinarium reduci missas impositas beneficio, docet Azor p. 2. l. 6. c. 24. q. 6. Eòquod tacita sit ea patroni (credo per patronum intelligit fundatorem) pro eo casu voluntas.

Questio 106. Quid juris competat Capellaniis Ecclesia alicuius Collegiate intercessandi Capitulo?

1. Respondeo primò: Capellani etiam provisi in titulum (idem est de aliis beneficiatis, quounque nomine veniant, inferioribus Canonicis) non sunt de Capitulo, neque votum habent; Capitulum enim constituitur à solis Canonicis. de Luca, de Canonicis. l. 20. n. 6. Barb. de Canon. c. 37. Neque vocari debent ad communes tractatus cum Canonicis. Lott. l. 1. q. 15. n. 27. citans Gloss. in c. penult. decler. non residentibus. idemque verum dicit, etiam respectu emolumentorum, quorum participes sunt, qualia sunt anniversaria & similia. n. 28. Procedereque, etiam si participent de massa communii, & de omnibus aliis. n. 29. nisi forte talis participatio lis competenter jure proprio (v.g. dum massa conflatur ex bonis propriis & redditibus ipsorum; secus si ex redditibus bonorum Ecclesiæ; tum enim competenter iis jure Ecclesiæ Lott. num. 31.) vocandi namque tunc essent juxta regulam: *quod omnes tangit.* Lott. n. 30. citans Vitalin. in Clem. ut ii. de arte & qualitate. n. 3. Paris. l. 4. consil. 90. nu. 12. &c. Quod ipsum, ubi fieret ex consuetudine in Ecclesiis illiusmodi patrimonialium receptitis, etiam Collegiatis, & Cathedralibus, tolerabile esse, ait de Luca loc. cit. n. 12. in iis Capitulis, qua congregantur pro negotiis economicis, ac recta administratione malla, in qua tales presbyteri sunt æquè interessati, & consequenter etiam in electione

nibus Officialium in idem tendentibus, puta procuratorum & similium; nequaquam autem tolerandum tanquam manifestum abusum juris, ut intervenire debeant ac votum habeant in actibus alii jurisdictionibus & præminentibus, v. g. Electionibus Vicarii Capitularis sede vacante, Canonicatum, aliorumque beneficiorum ejusdem Ecclesiæ.

2. Respondeo secundò: Poterit nihilominus per consuetudinem induci, ut sint simpliciter de Capitulo, ut in eo vocem habeant non tantum Capellani beneficiati, sed & simplices talis Ecclesiæ presbyteri carentes titulo collativo. Luca loc. cit. n. 7. & 8. ubi etiam ait, requiri, ut talis consuetudo contra jus sit immemorialis, vel centenaria, vel saltē quadragenaria, cum titulo putativo seu colorato, ejusque fama benè probata.

Questio 107. An Capellæ exstructæ in Ecclesia, Ecclesia fiat compatrona ratione situs ei concessi?

R Espondeo: tametsi dari possit participatio juris patronavi & duo patroni, unus ratione suis seu fundi, alter ratione foundationis; seu unus ratione constructionis, alter ratione donationis; & hinc quoque Abb. ad c. ad audientiam. de Ecclesiæ dif. num. 11. dicat Ecclesiam concedentem situm ratione soli effici compatronam; idem tamen Abb. ait, de facto servari contrarium, & talem esse communem consuetudinem, testatur Lamb. l. 1. q. 8. a. 6. n. 4. Gonz. ad reg. 8. gl. 10. n. 12. &c. apud Card. de Luca de jurepat. d. 53. n. 6.

PARAGRAPHVS II.

De Vicariis, &c.

Questio 108. Qui veniant nomine Vicariorum injure?

R Espondeo primò: latissimè sumendo, nomine Vicarii venire omnes, quotquot vices aliorum, in quorum locum sufficiuntur, gerunt; Azor l. 2. c. 6. q. 1. Late sumendo illud in jure civili veniunt, qui in locum alterius magistratus, absentes scilicet, mortui, vel impediti substituuntur ab iis, qui ad hoc à lege potestatem habent. Barb. de jure Ecc. l. 3. c. 6. num. 1. in jure vero Canonicæ variam esse hujus nominis usurpationem, & pluribus convenire, qui ad tres classes seu species revocari possunt juxta Laym. ad c. 1. de off. Vicarii. in 6. n. 1. Prima est eorum, qui à Canone constituantur, ita ut propriam & ordinariam jurisdictionem obtineant, subordinatam tamen principaliori, qualis est Archidiaconus respectu Episcopi juxta c. 1. de off. Archid. Secunda eorum, qui ab homine nimis Superiori Ordinario constituantur, ita ut potestatem vel jurisdictionem diversam obtineant à constitente; quorum aliqui habent delegatum ad universitatem causarum, alii Ordinariam: tales sunt quodad jurisdictionem fori externi Vicarii, seu Decani rurales seu foranei, qui jurisdictionem delegatam & omnino dependentem ab Ordinario habent, à quo pro arbitrio ipsius deponi possunt: quandoque tamen ordinariam quandam habent subordinatam Episcopo; dum nimis constituantur per electionem Capituli ruralis ab Episcopo seu